



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Abbatissæ Et Capitvlo de Edera.

urn:nbn:de:hbz:466:1-20020

Ecclesia de persona idonea canonice prævideri, cùm ferè omnes Canonici Morinenses sint parati, sicut asseruit, præstito juramento firmare quòd præfatum Archidiaconum nunquam in Episcopum nominarant, & legitimè posse ostendit quòd juxta præmissam formam supradictis tribus collata fuerit auctoritas eligendi, ut videatur de gremio Ecclesiae illum eligerent in quem omnes vel major & senior pars Capituli consentirent, asserens idem B. se nihilominus probaturum quòd sacerdatus electus patitur in ætate defectum. Nos igitur his & aliis quæ fuerunt hinc inde proposita coram nobis diligenter auditis, quia res pernicioса esset exemplo si per subreptionis astutiam quis ascenderet ad apicem dignitatis, de consilio fratrum nostrorum ita duximus providendum ut præstito à contradictoribus juramento quòd ipsi contra præfatum electum malitiosè non moveant hujusmodi quæstionem, prædicti tres electores juramentum vinculo attingantur dicere veritatem quot ex Canonicis examinationis tempore in præfatum Archidiaconum convenerunt, & si tres simul aut duo saltem ex ipsis jurati dixerint majorem Canonorum partem in ipsum Archidiaconum convenisse, vos contradictoribus silentium imponatis, cùm contra hoc eorum esset probatio insufficiens, eò quòd singuli essent in suis testimoniis singulares. Si verò per eorum depositiones confiterit sacerdotium Archidiaconum exitissile à paucioribus nominatum, tunc demum sollicitè audiatis quicquid utraque pars proposuerit ad probandum formam secundum quam eligendi potestas præfatis tribus electoribus asseritur fusse concessa, & si fuerit sufficenter ostensum quòd illum de gremio Ecclesiae secundum formam sibi datam debebant eligere in quem omnes vel major & senior pars Capituli convenienter, vos electionem ipsius Archidiaconi omnino cœlestis, & faciat Ecclesia Morinensi per electionem canonica de persona idonea in Pontificem prævideri. Alioquin quod de ipso factum est ratum habentes, contradictores ab ejus imperitione per censuram ecclesiasticam appellatione postposita compescatis, præfatum B. præbenda Morinensis Ecclesiae spoliantes, qui se ad hanc pœnam, si forsitan in probatione deficeret, obligavit, non obstante quòd super ætatis defectu objectum est contra illum, cùm idem Canonicus huic objectioni non multum institerit, & super hoc à Metropoli-

*ABBATISSÆ ET CAPITVLO
de Edera.*

Iustis potentium, usque inclinati, octogenarium numerum monialium seu etiam conversarum, quem propter suadentem utilitatem & necessitatem urgentem de consilio & assentu carissimi in Christo filii nostri Philippi Francorum Regis illustris & venerabilis fratris nostri Parisiensis Episcopi dioecfani vestri prvidè in monasterio vestro statuistis, auctoritate apostolica confirmantes, ipsum præcipimus observari, nisi Domino largiente in tantum ejus excrescenter facultates ut secundum earum augmentum, fororum quoque numerus possit augeri. Nulli ergo &c. nostræ confirmationis &c. Si quis autem &c. Datum Laterani Kal. Aprilis, anno undecimo.

*Epist. 44.
De certo mo-
nialium nume-
ro confirman-
do.*

*HVGONI CANONICO SANCTI
Georgij de Faya.*

Dilectis filiis B. Canonico sancti Petri Piastrensis & D. procuratori bus G. de Marnaio, & tibi tam pro te quam dilectorum filiorum W. Præpositi & aliorum concanonicorum tuorum nomine respondenti pariter & agenti, super præbenda de Faya, quæ fuit olim R. de Poento Canonici ejusdem Ecclesiae, voluntibus litigare, dilectum filium Andream Subdiaconum & Capellanum nostrum concessimus auditorem. In ejus igitur præsentia proponere curavisti quòd ex consuetudine usque longè juramento interposito roboratis in Ecclesia sancti Georgij de Faya ultra duodecimum numerum Canonici non debent institui, nec fieri promissio vel concessio de præbenda aliqua non vacante. Nullus infuper Canonicus Fayensis præbendam & aliquam de Ecclesiis ad Capituli donationem spectantibus potest insimul possidere, sed vacantes alii chorii servitoribus à Capitulo conferuntur. Et si quando Ecclesiarum talium aliquis Capellanus in Canonicum assumatur, capellaniam vel canonicam compellitur resignare, cùm se ad invicem de consuetudine minimè patientur, & singuli qui capellanias recipiunt, corporaliter præstito juramento promittant se

*Epist. 45.
Et confirmatur
præbenda de
Faya.*

Tom. II.

V ij

